

# ATA PA BO GOZA

Fotos y Texto: Jan Poets.

## DEN AMBIENTE

\*\* Un cordial saludo pa tur e fiel lectornan di DEN AMBIENTE, cu aworaki ta "diep diep" den nan seccion di farandula mas aprecia. Despues di basta tempo, ata nos un biaha cu e noticianan farandulero mas cayente.. "Ata pa bo goza".

\*\* Ayera nochi den Cas di Cultura grupo Pierewietje y Flash a inicia cu nan celebracion di 20 aña. Ayera nochi tabata especialmente pa e mayornan y invitadonan. E show a cuminsa cu un retraso di un ora debi cu e MC Ruben Garcia no a haci acto di presencia. Danki na Jossy Tromp su cooperacion cu e show por a sigui y mester bisa cu Jossy Tromp a realiza un tremendo trabao como MC. Hopi tabata e mayornan y demas personanan cu a aserca DEN AMBIENTE pa critica e mal hecho aki, specialmente cu aki ta trata di un acto importante di celebracion di 20 aña di un grupo infantil y juvenil cu no merece e tipo di trato aki. Un di e mayornan a duna di conoce cu ta e MC mes a exige pa pone dos stoel riba escenario, cual ambos a keda blo bashi durante henter e show. Mi di ta con ta haci awor pa critica e MC aki, cu ta gozando di un gran popularidad riba nos pais y cu ki ora cu duna opinion riba su desformalidad, por spera riba un campaña di vengansa y alo largo ata mi so den boso. Pero enfín awe tardi sigur e MC lo ta presente manera nada un pasa. No tin duda cu e show aki ta uno vale la pena y ta di spera cu tanto awe tardi cu mayan atardi pa 4'or, e salanan di Cas di Cultura lo ta full yen. E respaldo di nos pueblo pa e shownan aki di Pierewietje ta e mihor regalo cu nan por ricibi como un muestra di aprecio y gradicimento pa loke nan a sa di contribui positivamente durante e 20 añanan na bienestar di nos Pais.

\*\* Mientras tambe cu e incansable maestra di baile Diana Antonette ta preparando pa celebra su 30 aña den e mundo di baile y ballet. Esaki lo bay sercelebra den un forma grandioso y unico den Cas di Cultura. Keda pendiente pasobra DEN AMBIENTE lo bay ta "all the way" cu e celebracion di Diana Antonette, kende merece tur clase di apoyo y aprecio pa su 30 aña di contribucion na bienestar di nos cultura.

\*\* Kedando un poco riba vengansa cu mi persona tin cu soporta riba mi propio pais, pasobra mi tin cu haci mi trabao manera debe di skirbi tanto e bon como e malo, y lamentablemente tanten cu bo skirbi e bon, bo ta keda na bon y si bo skirbi e malo, bo por conta cu bo ta riba e "black list". Un di e

"black listnan" cu mi ta riba ta esun di STAR PROMOTION, pasobra mi oponionnan no ta na nan favor, pero mi sa si cu mi opinionnan CONSTRUCTIVO ta na favor di mi PAIS, anto esaki ta mas importante cu ser desprecia y censura pa un organizacion mala gradicido cu ta mira nan interesnan personal na prome lugar. Ta tristo pa mira tres candidata inocente participando den e certamen mas ridiculo den historia di Aruba.

\*\* Dialuna awor dia 1 di Juni pa 3'or di atardi e obra tremendo di "Amor" ta ser presenta den Cas di Cultura. Tur joven cu kier reconoce nan mes den escenanan di amor no falta pa bin goza di e espectáculo special aki. Tambe riba peticion en general lo ripiti e bunita obra di "Romeo y Julieta", cual lo bay tuma lugar diaranson 3 di Juni den Cas di Cultura. Esaki si lo ta e ultimo funcion, pues "ATA PA BO GOZA".

\*\* Dia 21 di Juni lo ta e dia special dedica na tur nos Tatanan. Tur biaha nos Tatanan ta ser lubida y casi nunca no tin algo special pa nan. Wel Tatanan, ATA PA BO GOZA...diasabra 20 di Juni caba e fiesta ta start sali den City One, na unda for di Corsow lo ta presente nada mas y menos.. "The Three Voices & Company", kendenan lo topa cu "The Strangers" pa asina trese grato recuerdonan pa tur nos Tatanan. Nos Tatanan joven tampoco a ser lubida, ya cu Claudius & OREO lo ta presente. Ay Maminan, ATA PA BO GOZA cu Papi..

\*\* Rumornan ta circula cu Tatoo a ser saca for di Qua-Si y lo bay forma parti bek como duo cu Ramphis Tromp den EQO. DEN AMBIENTE a ser informa cu Tatoo no a ser saca for di Qua-Si, pero simplemente a ser SUSPENDE pa e manager Colochi Bikker, kende a confirma nos esaki. E motibonan ta cu ultimo tempo Tatoo no ta presenta na ensayonan y cada biaha mester core buske den San Nicolas. E buchi a yena y a dicidi pa suspender pa asina tambe trese orde y disciplina den Qua-Si. Na ultimo ora, DEN AMBIENTE a ricibi e informacion for di Colochi, cu Tatoo a laga un mensahe pe, cu e kier sinta papia pa yega na un solucion. Awor ta sinta warda ki dia ta sinta pa papia pa yega na un solucion, pa asina e gobierno di Qua-Si forma bek.

\*\* For di Miami DEN AMBIENTE a ricibi bon noticia for di Fernando Beltran di Caiman Records, kende a participa cu e posibilidadnan ta hopi grandi cu Caiman Records lo bay lansa Cesar Olarte internacionalmente



riba un produccion spaño. Esnan cu no ta kere, awe durante e programa di DEN AMBIENTE na Cristal Fm "Show di Poets", lo pasa e grabacion na unda Fernando Beltran ta participa e bon noticia aki. Ta cuestion di pasenshi y tempo, ya cu logicamente cosnan no ta bay asina rapido pa core traha un produccion internacional. Importante ta cu Cesar Olarte ta riba e lista di e prestigioso casa disquera Caiman Records y tempo lo bay dicidi.

\*\* Siman pasa Aruba tabata den ambiente cu e Sinbad Soul Music

Festival. Stadion tabata lata lata di hende, specialmente riba diadomingo cual tabata e ultimo. Berdaderamente Earth Wind & Fire tabata e atraccion di mas grandi y cu porcierto a realiza soño di hopi di su fanaticonan aki na Aruba cu nan presentacion. Pero toch pa hopi nan final no tabata uno impactante. Esaki ta debi cu nan presentacion ta mas di focus pa television. Pa DEN AMBIENTE por a cubri e festival aki como fotografo, esaki no tabata nada facil, ya cu e hendenan di Sinbad a invadi stadion cu nan cerbetenan comosifuera ta riba

beach nan ta. Tabata sumamente dificil pa saca bon shotnan, ya cu e hendenan aki no kier a coopera "att all" y na momento cu a lucha pa saca un bon shot, e hendenan dilanti tabata zwaai cu nan dedenan manera e foto mes ta ilustra. Pa colmo tambe a penetra te den e seccion priva y a nota cu fotografonan di afo si tabata tin tur e facilidadnan pa saca nan potret. Ora cu DEN AMBIENTE a bay purba, e boddyquardnan di Sinbad a EXTRADITA DEN AMBIENTE for di e sitio...Esnan cu tabata ey banda a haya cos pa "ATA PA BO GOZA".

Awor tur diasabra mainta na Cristal Fm 101.7..  
**DJ CHARLES Y DJ ALAH TA PRESENTA..**  
**TOP 20 ANTIYANO..**



\*\* E dos dinamico djnan di Cristal Fm, Charles y Alah, lo start awe mainta cu nan prome Top 20 Antiyanos. E programa lo inicia pa 10'or di mainta y lo finaliza pa 12'or di merdia. E meta di e Top 20 Antiyanos ta pa pro-

move tanto e produccionnan di nos artistanan local y esnan di Antiyanos. Porcierto despues di algun luna for di aire, Dj Alah ta "back in town" cu Cristal Fm y por a com-pronde cu muy pronto e lo ta den aire den oranan

tempran di anochi. Un i tur ta keda cordialmente invita pa sintonisa Cristal Fm awe mainta y pa asina disfruta di e 20 mihor cancionnan Antiyanos presenta pa e dos popular joven djnan Charles y Alah..